

DISI NA YU LETI

Fu yu didon bun-fasi

Algemene regel *

Koranti n° DHOS/E1/DGS/SD1B/SD1C/SD4A/2006/90 fu 2 maart 2006 di taki fu den leti fu suma di didon na ati-oso, nanga wan karta fu a suma di go didon.



1

Ibri libisma de fri fu go didon ini a ati-oso pe a wani go didon, so langa presi de èn den kan yepi en. **Den lanti-ati-oso yepi alasma**, spesrutu den suma di no abi moni. Efu na wan spoedgeval (efu yu musu go didon wanten-wanten), yu abi a leti fu go didon winsi yu no abi securité sociale. Oktu suma di handicap kan go didon.



2

Den ati-oso **pramisi dati den sa yepi suma bun-fasi fu kon insei a ati-oso**, nanga fu feni datra fu yepi den. Den proberi fu meki seiker dati yu no sa hati furu tumsi èn den wroko tranga fu hori lespeki gi alasma, spesrutu gi den suma di go dede.



3

Den sma fu ati-oso musu gi **ala informatie** ini wan bun nanga lespeki fasi. Wan sikisma kan taki sortu sani a wani den du gi en. A sikisma kan tyari wansma fu en di sa yepi en.



4

Den **no mag koti efu du tra sani nanga yu sondro yu taki** dati den man du so. Yu de fri fu aksi moro dipi sortu sani den go du, èn yu de fri fu taki no. Ibri suma di abi moro leki 18 yari kan taki afesi sortu sani den wani den datra du efu a kon dede.



5

Yu musu fu skrifi wan spesrutu primisi tapu papira efu yu du mee ini wan studie fu test dresi efu siki ; efu yu wani libi pisi fu yu skin, fu den gi trasma te yu dede, nanga efu yu wani dati den gi yu wan test fu Aids.



6

Efu den aksi yu fu du mee ini **wan studie fu test dresi efu siki** den musu fu taigi yu sortu bun sani nanga sortu ogri sani kan pesa nanga yu efu yu du so. Yu **musu fu gi yu primisi** tapu wan papira. Efu yu no wani du mee, a no abi trobi, èn a no meki verschil ini den yepi den sa gi yu.



7

Wansma di didon ini ati-oso **man saka te a wani saka**, so langa den datra taigi en sortu ogri kan miti en efu a gowe nomo. Wan-tu geval de ini a wet pe a taki sortu sma no man saka te den wani.



8

Alasma musu libi lespeki-fasi nanga wansma di didon na ati-oso. No wansma musu hori en bribi na spotu. No wansma musu go luku en te a no wani si den, èn efu a abi fanowdu fu rostu no wansma musu go ferferi en.



9

A ati-oso no gi no wansma den informatie fu yusrefi, fu yu papira, yu datra sani efu verzekering efu tra zaak.



10

Wan suma di didon na ati-oso (efu densma di kan teken gi en) **abi a leti fu aksi ala sani fu en eigi gesontu-sani**. Efu a suma di didon kon dede, a famiri fu en abi a leti disi oktu.



11

Wansma di didon na ati-oso kan taigi a bestuur fu a ati-oso fa a ben feni den sorgu den ben gi en, èn fa a prakseri den suma ben libi nanga en ini ati-oso. Ibri ati-oso abi wan comité di luku fa a presi e sorgu sma èn oktu fu meki seiker den lespeki den leti fu densma di didon. **Ibrisma abi a leti fu taki nanga a basi fu ati-oso** so a kan sori en den problem a ben abi èn aksi fu den pai en baka te wan sani ben fufuru efu no ben du bun ini ati-oso. A comité disi oktu sa taki gi a ati-oso te wansma tyari den na krutu.

* Yu kan feni a heri karta fu a suma di go didon na ati-oso tapu a Internet site:

www.sante.gouv.fr

Efu yu aksi, a kantoro fu a ati-oso sa gi yu wan gratis.